

唐秘書省正字先輩徐公鈞磯文集

唐秘書省正字先輩徐公鈞礪文集古序

朝請郎編修道史檢察官兼次崇文總目管江
州太平觀守秘書省著作佐郎賜紫魚袋族孫
師仁撰

正字諱黃字昭夢按五代史閩世家稱正字唐時以
進士名依王審知仕宦九國志列傳正字莆田縣人
乾寧初舉進士禮部試止戈爲武賦一燭纔盡已就
有破山加點擬戍無人之句侍郎李擇覽而奇之是
歲釋褐秘書省正字歸寧於閩中屬江淮盜竄起退
居延壽溪王審知聞之辟居幕下而禮待蘭畧內不
能平一旦拂衣去曰丈尺之水前陂後堰安能容萬

斛之舟乎尋舊隱慨然有長往之志王廷彬刺泉州
每同遊賞及陳郊倪曙等賦詩酣酒爲樂凡十餘年
求還所居嘗被病遣求藥物於廷彬答書曰善自調
護亦可自開豁三皇五帝不死何歸蓋舉賦語以戲
之竟卒於延壽之別墅本朝張丞相濟賢記正字未
第時道汴州進謁梁祖面賦無雲雨篇立就其斷句
云爭表梁王造化功大蒙賞遇及解褐東還祖爲開
宴醉中誤觸諱歸館了悟憂在不測複製遊大梁賦
以獻其畧曰客有得意還鄉遊於大梁遇郊垌之耆
舊問今古之侯王父老曰且說當今休論前古昔時
之功業誰見今日之聲名有觀中一聯云遂使千年

漢將憑吉夢以神符一眼胡奴望英風而膽喪祖曾
夢韓信授以兵法胡奴指李克用也祖讀至此大悅
令軍士傳寫皆諷誦之敕字酬一縑不復責前事按
宗文總目正字賦五卷探龍集一卷題曰偽唐徐某
撰正字實未嘗仕偽唐也師仁家故有賦五卷探龍
集五卷正字自序其後又於蔡君謨家得雅道機要
一卷又訪於族人及好事者得五言詩并絕句合二
百五十餘首以類相從爲八卷并藏焉正字人生幾
何賦至今膾炙人口兒童婦女往往道徐先輩而集
有贈渤海高元固詩序云高見訪於閩中言本國得
斬蛇賦御溝水賦人生幾何賦家家皆以金書列爲

屏障又自詠詩註云溫陵使宅有圖障二面張林西樓書手作迴文八體詩每一首顛倒讀成八首以此知正字之文不獨行於當時名於後世亦播於異域也然八體迴文詩尋討未獲小說載紅綾餅餒絕句亦不見全其餘碑碣之屬甚衆類皆亡失豈其賦名特高故他文遂不俱傳歟今觀牋疏頗類玉溪而律詩精練亦不減同時韓致光吳子華諸人也惜乎遭罹亂世不獲少伸其志其來閩中且有前陂後堰之歎安有爲朱溫所屈哉殆亦遜言避禍不得不爾也張丞相記頗詳足以附見建炎三年三月序

唐秘書省正字先輩徐公鈞礪文集

文集者入莆第五代祖先輩公所撰文也公諱黃字昭夢登唐乾寧進士第試止戈爲武賦魁天下授秘書省正字先輩時人推尊之稱也鈞礪乃歸隱適意處號也予嘗觀舊譜載十二代著作佐郎賜紫魚袋師仁公所著文集序云先輩公文字頗多家故有賦五卷探龍集五卷又於蔡君謨家得雅道機要一卷詩二百五十餘首蓋詳論之既有其序時必有集今皆亡失故常鬱鬱不樂凡對族人惟以不得其文爲憂至延祐丁酉歲叔父司訓公於洛如金橋林必載家得詩二百六十餘首復於己亥歲族叔祖道真公

遺賦四十篇不勝欣慰合而寶之後則屢求未能再得泊過歲塵事稍息謹述世緒聲跡已詳於譜牒復讀威武軍殿中侍御史劉公山甫撰公墓誌銘謂公所著詞賦感動鬼神搜括造化又謂悲泣百靈包羅萬象明珠無價至道不文窮達理性諷誠澆浮合先聖賢之意矣讀之至是愈有所感今則據其所得詩賦暫編成卷裝潢類諸譜牒合與族人暨諸君子共之可以知吾祖先手澤尚存而沅沔無窮抑祝厥後子孫勉而求之以增是卷庶不負吾故家文獻之烜燿遂書之以爲後之識也玩可珍謹識

唐秘書省正字先輩徐公鈞礪文集目錄

賦

卷第一

御溝水

斬蛇劍

勾踐進西施

人生幾何

首陽山懷古

薦蘭相如使秦

毛遂請備行

玄宗御製盧君微草堂銘

陳後主獻詩

鮫人室

卷第二

朱虛侯唱田歌

外舉不避讐

避世金馬門

東陵侯子蕭何

貴以賤爲本

義漿得玉

管仲棄酒

扣寂寞以求其音

知白守黑爲天下式

澗底松

卷第三

太極生二儀

負半千說三陣

文王葬枯骨

五王宅

駕幸華清宮

再幸華清宮

卞莊子刺虎

鑄百鍊鏡

玄宗御注孝經

割字刀子

卷第四

止戈爲武

去衣裳而天下治

入國知教

豐年爲上瑞

福善則虛

歌

竹筵子

不言錢

朱雲請斬馬劍

江令歸金陵

卷第五

過驪山

樊噲入鴻門

漢武帝求仙

隱居以求志

山暝孤猿吟

白衣入翰林

星

雷乃發聲

寒

伍員知姑蘇臺有遊鹿 缺

詩

卷第六

長律八首

依御史溫飛卿華清宮

尚書命題瓦硯

尚書會仙亭

和尚書詠泉山瀑布

自詠

東風解凍

和僕射二十四丈牡丹

釣鯨竹

五言律詩二十一首

旅次寓題

釣臺

贈嚴司直

贈東方道士

題僧壁

和人經隋唐間戰處

追和常建漢王昭君

贈董先生

河流

題南寺

北山秋晚

昔遊

酒胡子

平崔補闕

平赤水李先生

香鴨

雞

白鶴

龜

銀結條冠子

蜀葵

七言絕詩二十八首

鏡中覽懷

楚國史

張儀

薔薇

大夫松

杏園

蕉葉

路旁草

讀漢紀

李夫人二首

明妃

馬嵬

依韻贈南安方處士五首

依韻答黃校書

傷進士謝廷皓

聞司空侍郎下世

偶題二首

猿

追和賈浪仙古鏡

蝴蝶二首

新刺襪

卷第七

七言律詩五十二首

華清宮

再幸華清宮

鬢髮

喜雨上主人尚書

迴文詩二首

不把魚竿

偶書

潤屋

退居

開門

開窓

燈花

東歸出城留別知己

詠懷

郊村獨遊

經故翰林楊左丞池亭

經故廣平員外舊宅

潘丞相丞祐舊宅

門外開田數畝 北園

溪上要一隻白葦扇

招隱 憶山友

溪隱 酒醒

夢斷 人事

休說 嘉蓮

綠鬢 驕倭

龍蟄二首 逐臭蒼蠅

牡丹花二首

尚書座上賦牡丹花

依韻和尚書再贈牡丹花

郡庭惜牡丹

追和白舍人詠白牡丹

憶牡丹

惜牡丹

覽柳渾汀洲採白蘋之什

司直巡官無諸移到玫瑰花

梅花

荔枝二首

菊花

畫松

卷第八

七言律詩五十二首

草木

松

竹

郡侯座上觀琉璃瓶中

遊魚

尚書打毬

尚書惠鴈面茶

勸酒

斷酒

憶舊山

西華

嵐似屏風

憶潼關

憶潼關早行

鴻門

憶長安行

憶長安上省年

長安述懷

長安即事三首

東京次新安道中

山陰故事

溫陵即事

溫陵殘臘書懷寄崔尚書

通義里寓居即事
上陽宮詞

西塞寓居二首
題福州天王閣

憶薦福寺南宮
塔院小屋四壁

題琉璃院
寺中偶題

山寺寓居
寄僧偶題

遊靈隱天竺二寺
醉題邑宰南塘屋壁

題泗州塔
東歸題屋壁

寓題
偶題

寓題述懷
將入城靈口道中作

新屋
新葺茆堂二首

茆亭
客廳

詠寫真

放榜日

曲江宴日呈諸同年

渤海賓貢高元固先輩閩中相訪

卷第九

七言律詩五十二首

偶吟

贈表弟黃校書輅

輦下贈心田何負外

贈月君

贈垂光同年

贈楊著作

贈黃校書先輩璞閑居

尚書榮拜恩命二首

府主僕射王博主日

獻內翰楊侍郎

送劉常侍

送盧拾遺歸華山

春末送陳先輩之清源

上盧三拾遺以言見黜

送王校書往清源

岳州端午日送人遊郴連

賀清源太保王延郴二首

病中春日即事寄主人尚書二首

寄華山司空侍郎三首

寄盧端公同年

寄天台陳希叟

寄兩浙羅書記

邑宰相訪翌日有寄

白酒兩瓶送崔侍御

依韵酬常循州

謝主人惠綠酒白魚

蜀

魏

吳

兩晉

宋二首

陳

讀史

漢宮新寵

開元即事

李翰林

聞長安庚午歲事

公子行

依韵贈嚴司直

傷前翰林楊尤丞

日月無情

新月

和尚書詠烟

宮鶯

雙鷺

鷓鴣

卷第十

七言律詩五十二首

鷹

蝴蝶二首

剪刀

紙被

紙帳

貢餘秘色茶盞

蜀鞭

詠簾

詠燈

詠扇

詠筆二首

詠錢

尚書筵中詠紅手帕

尚書新造花牋

釣車

柳

愁

草

螢

水

苔

曉

別

夜

雨

萍

恨

鷓鴣

鷓鴣

鵲

霜

風

帆

夢

東

西

南

北

雲

燕

蟬

露

霞

蒲

泉

煙

閑

忙

淚

月

唐秘書省正字先輩徐公鈞璣文集目錄終

唐秘書省正字先輩徐公鈞璣文集卷第一

徐黃昭夢著

賦

御溝水賦

陸海之中昆明以東御爲溝而有自溝注水以無窮
紫紫閣之千峯清辭玉洞瀉銀河之一派冷入瑰宮
我西都也地正三秦天連五緯不知此水之出但見
斯溝之貴旣非減瀾以分漣又匪疏涇而鑿渭是何
飛下霓雲浴高走低潺湲乎玄豹里北條繞乎靈龜
岸西豈因水伯穿地維通來玉甃必是神龍爲天子
吐灌金隄上逸蓬瀛中倅溟渤涵暮景於瓊殿倒晴

光於絳闕色入天池遠不遠兩岸垂楊聲噓金屋眠
不眠六宮明月迴寫岩堯高連碧霄朝宗而鳳沼將
近習坎而龍宮不遙激今古之雄都千門水鏡截東
西之大道幾處虹橋豈不以決泄年長泉源地遠青
蕪濯翠兮霄雨霽紅杏飄英兮春日晚堪歌聖代浮
通其德澤恩波莫問當時流破其秦宮漢苑香徹天
涯先來帝家重輪而瑞蘊紅日五色而光搖彩霞時
時而翡翠隨波飛穿禁柳往往而鴛鴦逐浪嘶出宮
花其或赫日流金與人望歲或憂地利以將失顧假
天涯而下濟分紫禁以餘潤作黔黎之大惠則禹濬
川也不爲己而爲人農擊壤焉不荷天而荷帝玉堂

金殿兮知不知敢進芻蕘於此際

斬蛇劍賦

磨霜礪雪兮熒煌錯落伊逐鹿之英聖兮有斬蛇之
鋒鏑蓋以麾正乾坤劃分善惡楚國之姦雄徒爾烹
若窮鱗常山之首尾胡爲斷如朽索斯劍也上應石
臨舒陽慘陰有其道則威如身兮靈若心無其道則
鉛其刃兮水其鐔惟上德之在火劫紅爐之躍金莫
不龍活三尺霆飛半尋是何靈貺之異天啓之始而
乃振戎衣受秋水匣辭乎豐沛之邑腰入乎峭函之
里日月方暝雲雷未啓有大蟒以橫路礙潛龍之舉
趾上較天意下量地紀視銛鋒而何斯違斯擊怪物

而宛其死矣然後挫七雄削多壘豈惟仗之剪長蛇
而戮封豕蓋將提之令諸侯而禪天子得非秦毒之
奢化作長蛇漢德之儉化爲神劍奢以儉陷蛇以劍
斬道在晦而顯事有增而必減果聞哭白帝之亡
符赤帝之昌雖行大義亦假雄銛莫不龜文龍藻玉
縷金裝世亂將用時清則藏十二年兮加我卒七十
陣兮摧溺剛空山吞豕之鱗豈鉏蓮鍔大澤銜珠之
血不汚星光然後歷興亡經得喪漢之滅兮魏之授
魏之衰兮晉之仗晉大起兮高飛豈混煙煤之狀

勾踐進西施賦

惑人之心兮惟巧惟僭破人之國兮以妖以艷當勾

踐之密謀進西施而果驗昔者二國相吞凌卑恃尊
殊不知卑則自亡而固存尊則爲明而反昏烏喙年
年誓歃夫差之肉稽山日日拜聽范蠡之言言曰伍
員之賢東吳之德伯嚭之佞東吳之賊德之威兮越
可憂賊之興兮吳可殛臣以夙夜而計機謀偶得欲
狂敵國之君須中傾城之色待其聲色內伐君臣外
惑自然紂妲己以亡宗晉驪姬而亂國今苧羅之山
越水之彎恐是神仙之化忽生桃李之顏波淺升臉
鵝深綠鬟顰翠黛兮慘難效浣輕紗兮妖且閑楊柳
羞弱芙蓉恥艷可以變柳惠於貞莊之際悅荆王於
龜夢之間臣請進焉王今何以王乃豁若而喜矍然

而起曰此蓋神假卿之奇畫天雪越之前恥乃命寶
馬騰龍香車輶風迎織女於銀漢聘姮娥於月宮炫
耀雲外喧闐洞中粧成而瑞玉凝彩麗服而朝霞剪
紅昨日猶賤今晨不同寧期大國之君流恩下及堪
恨鄰家之婦謂妾長窮曉別越溪暮歸吳苑越慮計
失吳嫌進晚歌一聲兮君魄醉笑百媚兮君心卷坐
令佞口因珠翠以興言立遣謀臣棄洪濤而不返勾
踐乃走電驅雷星馳箭催投醪而士卒皆醉嘗膽而
胥襟洞開虎噬骨碎山崩卵摧楚腰衛髮化爲鬼龍
樓鳳閣燒作灰於是命屠蘇之酒上姑蘇之臺伊霸
業以俄去我英風而聿來於戲殺忠賢而受佳麗欲

不敗而難哉

人生幾何賦

葉落辭柯人生幾何六國戰而謾爲流血三神山而
杳隔鯨波任誇百斛明珠豈延遐算或有一卮芳酒
且共高歌豈不以天地爲爐日星爲紀雖有聖以有
智不無生而無死生即浮萍死爲流水七十戰爭如
虎豹竟刎烏江三千賓客若鴛鴻難尋珠履擾擾忽
忽晨鷄暮鐘命難保兮霜與露年不禁兮椿與松問
青天陰慘陽舒拘入否泰嘆白日東生西沒奪我顏
容可惜繁華堪驚倚伏有寒暑兮促君壽有鬼神兮
妬君福不覺南陵公子綠髮改而華髮生北里蒙家

昨日歌而今日哭夢幻吞侵朝浮夕沉三光有影遠
誰繫萬事無根何處尋易伏猛獸難降寸心眼看西
晉之荆榛猶經白刃身屬北邙之狐兔尚惜黃金柰
何荒色嗜音雕牆峻宇君不見息夫人兮悄長默金
谷園兮閨難香閣之羅紃未脫別已承恩春風之
桃李方開早聞移主丘塚累累金章布衣白楊芳草
正堪恨逐利爭名何太非嘗聞蕭史王喬長生孰見
任是三皇五帝不死何歸吾欲挹玄酒於東溟舉嘉
肴於西岳命北帝以指榮辱召南華而講清濁飲大
道以醉平生冀陶陶而反朴

首陽山懷古賦

首陽山兮非秀非隆因其賢而名高碧空偶巖谷之
逋客問夷齊之古風厚殷紂而薄宗周昌稱仁智棄
三隅而執一向可謂昏蒙且紂以斷脛求歡剖心取
樂空囊瀝不足以充其欲整竹帛不足以編其惡民
驚而萬國崩離天怒而三光舛錯肉爲林也怪山嶽
之非高酒作池焉笑江湖之易涸姬乃畋於渭濱會
於孟津左白旄而右黃鉞應乎天而順其人莫不洗
塗炭於四海解仇讐於萬民著金縢者乃昆乃仲釣
玉璜者恃衡秉釣何不弔紂之不德慶周之有國而
乃助於紂以申讎怨於周而不食鴻飛豹隱亡秦於
濁浪之濱蟬腹龜腸化骨於孤峯之側逋客曰夷齊

以讓國無爲求仁去規何歷數之不究曷興亡之不知非不知周之可輔紂之可隳所憂者乃萬紀千齡所救者非一朝一夕恐後代謂國之可犯謂君之可迫強者以之而起亂勇者以之而思逆所以激其時而抗其迹往者勛而來可懲義要行而身不惜余乃陟彼高岡遐思眇光嶺上之松筠抱直丘中之黍稷非香未知靈氣何化身魂曷彰爲聖賢則孔子顏子作嘉瑞則麒麟鳳凰縱天柱折而地軸摧斯名不泯任月兔死而日烏銷歟德逾芳於戲鍾其濁則爲佞爲邪稟其清則爲英爲異垂名之士餓林藪飽食之人破天地是宜徵繪事而寫高山仰止先賢之志

薦蘭相如使秦賦

報國憂君無非薦人嘉繆子之匡趙擢相如之使秦
懷寶懷才不是迷邦之士有仁有勇可爲衛命之人
昔者秦以輕諾連城僥求尺璧不從則吾國難保將
與則荆山可惜廉將軍不能陳其畫馬服君不能獻
其策君臣盡日空憂白璧之亡朝野何人可奉皇華
之辱繆子曰下位推先相如是賢騏驎請試於長坂
驚鶩須觀於遠天欲將伊呂量力臯夔比肩推心而
皎鏡光動鼓舌而黃河浪懸禍乃爲福螻仍改妍必
能挫西秦而不強不大亦能繼東趙於千年萬年王
乃宣恩渥召英傑劒出匣而齊皇宿松陵空而茂霜

雪既佩君命誓傾臣節智爲囊也克藏和氏之珍詞
作鋒焉願刺秦王之血既而西入君門將朝至尊受
璧而但驕其色還城而頻啞其言藺氏乃詭譎反幣
初終抗論大國封疆既君王之失信微臣投璧顧柱
石以寧存然後見秦王雖暴不能肆吞噬之力趙寶
雖來卒能歸邯鄲之國國賞其爵人欽其德獻空籠
者固可抱蓋歌易水者誠宜處默有墨客卿進言以
明且人臣者直以諫主公以取名况先王賤珠玉寶
忠貞是璧也合請投於泉而抵諸谷庶令趙不屈而
秦不爭亦足以致其君於淳朴激其俗於廉平安得
狗不是以爲是枉其行而與行大凡將有國以有家

無玩奇而玩異豈不見匹夫以之而側足王者以之而喪志余嘗覽趙國史書竊笑相如之事

毛遂請備行賦

上客縱橫毛公不爭既藏器以待用遵陳辭而請行
幾載和光智刃之深機但秘一朝效勇囊錐之奧義
斯明當其久陟朱門長譙末德昆吾霸切玉之鋒丹
丹穴戢凌雲之翼懷材抱器何趙國之足匡日往月
來笑平原之未識俄而羽檄交催秦兵四來邂逅而
君臣就辱逡巡而家國傾頽平原乃入楚求救招賢
共裁列簪纓而議也簡文武以行哉恨同心而同德
求其濫者何貴耳而賤目棄我全才於是奮發雄辭

激求大志今行侶以將闕輒愚夫而敢備常時維繫
騰驤之步誰知今日彌縫頽脫之鋒可試然後得繼
英豪彌輕爾曹瞻鄢郢以神勵出邯鄲而器高明明
特立之試斯期必克蠢蠢同行之輩應爲徒勞及其
見楚國之君說秦兵之擊自旭旦以將論至日中而
未決遂乃足玉砌以心動手霜戈而氣折倘一夫之
有惜不肯扶危則五步之非遙立當汗血故得楚國
君臣來言盡遵師旅大加於東趙干戈日却於西秦
名遂功成尋殺三千之客解紛排難慙生十九之人
則知士也者不可以貧欺馬也者不可以瘦失何待
客以無鑒幾遺賢於此日伊毛生也重於九鼎之功

非狗盜雞鳴之匹

玄宗御製盧徵君草堂銘賦

玄宗以澤浸乾坤惟賢是尊仰盧氏兮晦天爵錫草
堂兮抱節貞

如何既不臣

於天子勒銘那借爰特降於王言徵君以挺操凌霜
維松隱碧乎夷齊爲犯上之士怪園綺爲沽名之客
莫不洞壑窓楹雲霞簾席去隨麋鹿難留傳說鹽梅
居陋茅茨因錫般垂匠石豹霧鴻冥名高漢青一千
年聖賜梁棟三十六峯擎戶庭金馬石衛憶神仙之
降此蓬扉甕牖假綸綍

曰龍得水兮躍天威

雲得風兮出巖洞雲龍兮有時興英賢兮違我夢草

堂兮起垢氛倚桐兮老鸞鳳泉之深兮珠珍石之韜
兮玉貞彼無脛而猶至此有德以難親草堂兮隔烟
水郊陳兮市麒麟御筆揮雲玄文粲錦玉刊乎帝寵
天語迹逸乎難晏寢况予沙室當檻緱山倒枕有
月而蕭吹碧洞野鶴同吟無人而澗鑠流泉野猿同
飲色耀琳琅烟凝御香浮立而錄載金籍子晉而歌
聞玉皇塗山之幣帛駢羅誰朝夏禹箕嶺之雲歎寂
寞敢讓陶唐是何暗室卑棲明廷延佇蓋由抱其才
而富以德所以饒君恩而銘帝語則知道不遠人可
以誠而內處

陳後主獻詩賦

國碎金陵寰瀛鼎新非翰墨不能贊洪業非詞章無
以通紫宸億兆服歸被戎衣而創業華夷共指天
下以爲臣俊主以不惜邦家但荒淫之醜不建道德
何歷數之有只貪翠閣留客金壺勸酒寧知其國換
宗祧不覺其身離璽綬秦要有志能繫組於沛公孫
浩無歸喜朝天於晉后既而日注君門心期渥恩體
國風而發詠念王澤以興言麗句今晨翻祝千年之
聖丹墀昨日猶居萬衆之尊莫不技詠巢南星隨拱
北吟搜而律呂相應墨探而珠璣盡得二儀形內徵
日月之光天萬物毫端述山河而壯國豈是迹辱才
高心傷思勞周文美里以窮易屈氏瀟湘而賦騷荒

唐之夢將醒才人不見唱和之非以悟狎客何逃然
後寫入瓊編神超丹陛鵬行驚懷寶之屈鳳宸嘆絳
情之麗太甲改三年之過恨不同時陳思驚七步之
才嫌當異世且夫心爲志言爲詩志也者可以寫於
今而論於古詩也者可以刺於上而諷於時明不爲
舜禹禪而聖晉魏強而欺豈徒詠風雲草木狗榮辱
興衰家國何之却有登封之議祖宗誰嗣更無恓悅
之詞只閒五字時吟千鍾日醉燕巢堪慄於惟幙鳥
甯先呈於識記遙巡煬帝殞江都不及陳宮之故事

鮫人室賦

斯室誰見伊人盡傳浩渺而洪波有象深沉而碧浪

無邊寶柱文軒恍腫朦而曜日前爲後閨通皎晶以
澄天異彼鰲人處乎鯨海將洪堂之麗不逐桑田
之改儲晶蓄素刮銀兔之秋光轟浪凝波刷金烏之
畫彩露洗霜融涵虛湛空鑿戶牖以非匹飾椒蘭而
不同度木何人範環堵於琉璃地上作嬪誰氏織輕
綃於玳瑁窓中鬼瞰終無神功自偶公輸之運斧難
造辛紂之瓊宮何有雙標百尺峩峩而貝闕凌前萬
戶千門洞達而龍宮在後醒魄淒肌通玄剗奇光攢
而琥珀千樹花折而珊瑚萬枝控巨鯉之真人方能
到此泛靈槎之上客莫入於斯電落窮陰雲開大廈
誰爲欺暗之士盡是泣珠之音霏霏瑞彩凝成蠟蜨

之梁漠漠飛烟化作鴛鴦之瓦鏡瀉齋淪波澄垢氛
瓊窓而鰲頂均岫綺棟而壺中借雲二十四里之漢
宮何曾足數三十六般之仙洞未得相聞則知神化
規模天然異質熒煌但想生白剗剗難明其揆日
吾欲乾北海而涸南溟探驪龍於此室

釣磯文集卷第一

唐秘書省正字先輩徐公鈞礪文集卷第二

徐 黃 昭 夢 著

賦

朱虛侯唱田歌賦

國不危無以見英智智不周何以珍姦詭當漢室之
架亂有劉章之崛起於是謳甫田拍清徵當其呂氏
窺鼎劉宗獲冰社稷騫崩邦家替凌咸云呂氏必興
劉氏不勝雖諸將之賁勇終按劍以未能鯨躍海以
頂斬狐居城以暫驚旋聞玉殿窮歡瓊筵命酒貂璫
皆戚里豪貴冠蓋盡台階賓友賢愚但委其天命網
紀定輸於誰手章欲剖其瑕滌其垢摧其凶破其醜

掌握於龍圖鳳曆已斷前言縱橫其地軸天樞猶歸
太后朱虛乃誓遺賴波平妖剋訖得則赫功名於日
月夫則化糝粉於干戈在其誠而不在其衆言於我
而不計於他於時玉爵駁朱顏配直氣仰按昌言切
嗟曾專執米之功多能鄙事粗習貫珠之韻請唱田
歌歌曰舜之耕兮稷之植廓民天而知稼穡踈其苗
而固其蒂法於家而象於國又曰沮之耕兮弱之耘
灌渠盛兮除莠芬扶蠹賊兮多稼稔剪榛蕪兮嘉穀
分取厥類兮去非類諭於臣而象於君想其傾海未
竭轉喉未闕衆愉恰而詭譎我憤惋而剛烈怒聲徹
天地託雅調以成聲熱氣煎肺肝瞬明眸而漬血且

以酒不罰無以肅否臧令不正無以決存亡宣酒令而爲君令假樂章而行國章犯令者謗爾言而鬼爾族亡酒者肉爾膾而血爾漿我唱也不在深耕淺種我志也克在乎帝業皇綱俄而烹一呂禁陸梁侍坐者汗滴膽碎傍觀者心顛魄狂呂之強脗爾而弱劉之弱歛爾而強不自計之取兵之舉帝諸劉虜諸呂有若乎摧枯拉朽反似乎平秦破楚故得告功於聖祖削平乎強禦則知伏於誠者須藉於英傑切於己者莫先乎子孫安子孫而總英傑故能復宗社而正乾坤向若口不能唱唱不能言則國豈定而家豈存者也余欲編田歌於樂府上聞於至尊

外舉不避讐賦

君子之用心也不以親爲親不以讐爲讐惟賢是搜
惟德是求舉於上也以治國匡主疏於爵也可使
公主爲侯不可嫉其賢而夫公論庇其善而顯私仇
昔者袁公問儒宣尼對曰斯言爭與於鬼神歆理俱
懸於日月國家或利於親於怨以相推金玉非珍惟
信惟忠而罔闕且君之所任任者在乎哲人人難自
舉自舉者在乎忠臣臣又徇私則君失任君失任則
賢曷親如此則壞洪業而隳大倫者也凡百事君宜
其去已勿以已怒而要衆怒勿以已喜而招衆喜至
如己喜者非賢固難續鳧脰而長焉己怒者誠善固

難掩驪鎖於暗然病一身而利四海已於後而物於
先豈可哀者不歌惡鏗鏘於雅樂行人怨而怪露霏
於甫田又若建宮室架梁棟在乎繩墨克正而斧斤
克中是宜採匠石之明言不可憾殷倭而不用無偏
無黨祈美不廢於周狄拾短求長齊主寧猜乎管仲
又若秀發閭閻才惟子孫又安得池有龍兮惟螭惟
螭巢有鳳而不飛不雛抱其器以須用雖其親而必
言親既不憚讐何足論蓋將抱君寵酬君恩如是則
慶積高門垂裕後昆亘此道而天地永播斯聲而寰
宇宣況有其行者皆聞無其瑕者盡見我縱掩而人
詎掩我不薦而人必薦豈若擢英賢於下位贊明君

於南面外無怨而內無親所舉者皆邦華國彥

避世金馬門賦

名利交奔大隱之人兮心還混元晦其迹而寧歸碧
洞避其時而却入金門亦何必野岸垂釣荒村灌園
目其利而我性非利耳其喧而吾心不喧曼倩以骨
本天仙才唯墨客佩紫禁之珪組別丹丘之窟宅三
冬積學明君之玉璫先知千載爲期阿母之仙桃幾
摘口誦詩書身遊紫微滑稽而黃屋頻諫駕鸞而青
雲共飛雨露恩深列朝廷之百辟風塵不到隔天子
之雙扉不知我爲我沽寵榮知我者謂我逃薄祿吏
添園而無得無喪官柱史兮何榮何辱豈異嚴霜降

處難傷夫翠竹青松烈火焚時不損其良金璞玉不
在乎巖谷終身揖飛泉而眠白雲味其道則身山林
而心垢氛曷若干大國而謁明君顯其道則心無瑕
而身榮動衆炫曜兮我不見衆喧譁而我不聞觀啓
石渠豈異清溪之景宮開白虎寧思玄豹之群且避
世者在乎遠其禍棲蹤者在乎求其道殊不知道也
者不在乎人而在乎我禍也者在乎貪其財而瀆其
貨我今以珠玉而爲瓦礫以希微而通壽考簪裾照
耀誰思箕嶺一歎閭闔優游堪笑商山四皓一旦武
帝求玄靈姝降天指出三清之侶言非下界之賢自
茲玉石分矣公卿謬然五利文成謾說三山之藥金

攢鎖闥常居六洞之仙豈不以華夏無虞君臣胥樂
負其才而皆取名位背其理而乃居林壑臣今歌紫
宸誦黃閣庶金門之馬有託

東陵侯平蕭何賦

予衰衰戚兮世之常情平豪貴者人難敢行有秦朝
之後又憂漢室之公卿莫不指先兆談未萌人生之
倚伏難逃如形如影天道之盈虛有數暮落朝榮當
其秦楚兵銷君臣義閉江南誅市之後代北平陳之
際彭越先斬淮陰以繼周勃之兵機第一縲紲常拘
鄼侯之相業無雙虬貅再衛且侯也道赫叢廊權傾
紀綱才吞伊呂道亞皇王欲怒而蚪龍伏慙流恩而

毛磔輝光人民顧我以無先何憂何懼邦家因吾而
肇造爲棟爲梁邵平則近甸隱淪前朝侯伯叔孫去
國而制禮綺李因時而遁匿於是入青門尋紫陌波
瀾濟陸海之岸劍戟列三台之宅朱門赫奕初驚草
澤之人黃閣巍峩乍揖瓜田之客客曰公無冒寵承
恩憑高恃尊家不善而殃至神害盈而禍翻未必摧
秀葵須衡根賦命而吉凶同城由人而禍福無門當
時豐沛之間差肩並起今日干戈之後屈指誰存驚
蹴覆水燕巢懸幕免殘而獵犬誰惜敵盡而謀臣曷
作伍子不省屍漂於疊浪驚濤范蠡能辭身隔乎重
湖遠壑今則瑰寶酬恩兵戈衛君以架欺危於累卵

堪驚富貴於浮雲侯曰事既將悟計子已聞客來悽
愴而諭嗚呼以云良田廣宅擬可用積玉堆金奚不
分漏盡光催魑魅而看將笑聚妖生孽作妻孥而豈
得同群侯乃徇彼英詞師其上德能全終始於當代
果釋猜嫌於大國良哉避陳主而予漢侯果見東陵
而鑒識

貴以賤爲本賦

貴不可偶貴故託賤以爲本賤不可久賤故從貴而
顯諸因考貴以由賤乃明終而有初則知夫其本而
事不立得其本而義有餘吾嘗詢道德之至理知貴
賤之終始當俟其爲龍爲光必先乎藏垢懷恥微乎

諭也義同乎高以下爲基驗以誠焉理協乎洪由纖
而起今請疏當時貴賤書往代君臣漢得鹿兮始諸
亭長周興龍兮自彼戎人殛鯀帝王雷澤與歷山舊
隱擲盧天子耕衣耨農器嘗陳此君上之貴也賤爲
本以相因婉用晦而以明此登高而自下太公相國
昔垂釣曲逆封侯曾宰社雞鳴末客終爲輔主之人
燕頤將軍亦是鬻書之 此臣下之貴焉賤爲本以
相假人既有矣物以宜焉則有寶銜明月珠含媚川
價重千金乃蚌胎而產矣光照午夜亦蛇口而生焉
彼珠賤之貴也賤爲本以相公在乎潔於道不在穢
乎跡復有稱連城而趙國瑰璜號垂棘而晉宮輝赫

崑嶽混潤之片不亦沉沉荆山路碌之英乃聞韞石
此瓊玉之貴焉賤爲本以相易得不以其賤而爲根
爲蒂以其貴而爲華爲英有根有蒂而英華始茂亡
根亡蒂而英華曷榮亦曰天道無形宗淡泊而成道
政聲無朕扣寂寞而致聲愚今察聖人之理探老氏
之言斯見窮其微而知其要願其隱而從其善所以
明富貴之本焉又安得久處於貧賤

義漿得玉賦

義漿殊賤玉惟至珍有楊玄之立德果陰隙以酬仁
豈非惻隱天資不爲恩而恩自感明誠日皎不望報
而報自臻所以悲其遠道長征窮途未達或朔風而

千里遐阻爍火景而四郊空濶堪嗟其自此自南每
想其再飢再渴一瓢白水能頒岐路之人數仞朱門
誰顧風塵之末於是博施無偏壺漿湛然清若玄酒
甘如醴泉既日日以又日復年年而一年汪以何窮
問東流於巨海浸而無忌瞻北斗於遼天莫不椒桂
飄香雲霞艷色行人欣塞路之美戰士豁鹽梅之惑
無冬無夏不酌水以酌心暮性朝來非飲漿而飲德
寒暑相移精神罔虧人不報而神代報世未知而天
已知俄而垂感應降瑰芳被褐懷來五侯之家獲寶
盈疇種罷連城之價驚時倏作瑤璋俄同珪錫凝雪
彩於三逕貫虹光於四壁則知播其施者恩絕竊其

珍者禍積嗟來與食寧招蒙袂之人再獻爲心謾剖
渾山之石且夫濟人渴者尚報非虛薦人善者歟報
何如渴之濟兮小恩小惠善之報兮開慘開舒可以
慶其國 高使門閭光局於簪纓爵祿豈惟瓊玖璫
璆事在何人道歸君子陰其德而德於心陽其報而
報於已昭然貽厥於孫謀不並義漿之理

管仲棄酒賦

酒不可嗜嗜之者必致危顛酒可以誠誠之者其惟
智賢嘉管仲後醒之說當齊侯門宴之年九醒雖珍
盡棄丹墀之上一言可聽將陳綺席之前當其邦國
誰憂樽罍不淺將傾海以爲飲孰懸河而進辨列坐

而腰金拖紫寧問安危終朝而舉日飛鵬唯求沉湎
仲乃拜捧瑤卮傾言吐斯縱竹葉以非責任蘭英而
罔奇不厭涓滴如無禮儀左右相驚幾謂其棄王以
罪公侯莫測應云其不死胡爲君子爰詢大夫遂說
臣非怠於恭敬臣非輕於麴蘖蓋將入口以言失或
者言失而身滅再思敢棄於君所三省得中於臣節
臣聞酒禍難防臣何以當義和惑以身喪桀紂耽而
國亡臣今棄其禍而不棄於酒臣願醉於道而不醉
於觴何不規後世鑒前王太康酣而昆仲悲怨大禹
惡而邦家耿光夫如是又何必欣腐膾而候穿腸者
哉公乃擢彼昌言師諸碩德穰苴未可以倫比竇戚

誠宜於緘默衆人追勉應懃皆醉之容惟我端莊益
勸獨醒之厄則知立誠者莫溺首酒輔主者須申謹
言酒不溺則樞機自正言苟申則忠信常存大計安
邦致一匡而永逸殊勲佐國君五霸以彌尊則管氏
也可與周召同風夔龍並位能棄酒以無諂表爲臣
之不二昭昭青史見清英克播於千齡萬祀

扣寂寞以求其音賦

寂寞何有聲音內并不扣而基局自啓能求而律呂
方呈馳神於不宰之鄉籠將造化運思於無形之景
剖出清涼豈不以大道將秘正聲無自走六合以何
有歷千門而曷致縱得伶倫之管吟亦徒爲便多子

治之聽聰將不至我則開寂寂憂憂向無象以取象
無音而索音莫不塞耳目廓曾襟靡在疎而在靜不
由物以由心透恍惚以斯採觸杳冥而獨尋擊揚雄
吐鳳之門應憐鳳嘯排老氏猶龍之闢別契龍吟是
音也非桑濮之傳者異秦齊之奏也得之則協人神
暢風雅本冲漠而將有豈喧譁而與假考靈臺而入
聽我調斯鳴循樂府以來追我音則啞就默祈喧稀
其大焉下不在乎地高不在乎天遠不在乎物外近
不在乎目前以諷諭君德經綸化權以約黃鐘而定
律如依赤水而探玄亦由字本無文究蟲篆而斯文
遂顯本元無火鑽槐樹而厥火俄然在乎拆彼誠明

分諸兆朕拂希夷而劉亮潛引剗淺薄而滄洋自振
豈比夫宣尼宅在依稀留金石之聲秦女臺空彷彿
有鸞凰之韻寂與冥兮虛更幽聲與音兮深且柔未
嘗扣之將扣在勤求之所求豈不以役智而偶凝神
以搜雖蒼蒼之道將授亦軋軋之聲若抽如綠綺之
空濶彈來始應若清泉之阻塞決破方流儒首貴陸
氏之賦成與昭明之道合欲三變之清異陋衆音之
錯雜每慙文藻比蕩美願侯王之海納

知白守黑爲天下式賦

白爲衆兮皎焉明焉黑爲衆兮暗然昧然踞其明而
爲事之賊混其昧而爲道之筌白以將行恐率土之

惡盈患作黑之爲式庶普天之用晦功全昔聖人以
抱玄默取道德既溢日以知白復亡形而守黑黑雖
朽而守緇白將變而易色和其光也爲萬有之憲章
同以塵焉作群生之楷式愚嘗出知白之藩入守黑
之門就其曜而不曜居其昏而不昏白易玷而式易
立黑無文而式可存豈不見下和獻荆岫之珍先傷
足脰大禹治北方之水後化乾坤至如佩寵光綏景
福殊不知寵之極兮辱之繼福之多兮禍之速天時
尚有其盈虛人事須防其反覆神龍龜聖嘗聞其醢
肉剝腸象齒墳珠但見其焚軀剖腹此白也可知庶
思之而自勗則知弱可吞強柔能制剛土之弱兮能

廣載水之柔兮流且長得不暗室自處明誠自彰所以耕稼歷山果見重華之帝羈縻美里終歸西伯之王斯黑兮可守庶存之而不忘其爲知兮不在乎外其爲守兮不在乎內協上德之不德諒靡明而靡昧如此則外咸浮榮中含利貞功其成而不宰致其勝而不爭縱泥滓之埋光瓊瑤愈潔任烟霞之蔽影日月終明老氏所以著此垂言流而設教帝王法之而自英自聖臣子體之而乃忠乃孝余將優游於玄牝之鄉每勤行而是效

澗底松賦

碧澗千仞青松幾年豈天生之有異蓋地勢以居偏

挺操彌貞雖厄巖巒之下掄材倘鑒合居樗櫟之前
則知植物之近不可用而或用生物之遠其可貢而
誰貢伊彼良木限乎深洞俟時幾慮其樵採抱直屢
思其樛棟神如我化何慙其青竹成龍工未我求且
伴其高梧宿鳳翠瑣山椒心凌碧霄生風而虎豹吟
嘯拂水而龍蛇動搖安得伴磊磊之石因離離者苗
冀三公之夢猶阻豈萬乘之封尚遙何殊孔明之先
主未迎空懷良策呂望之文王非獵不到終朝今則
希匠斤採溪壑如拔之於高岸遂谷可營之於帝宮
仙閣澗底松兮才不才侯般輸之所度

釣磯文集卷第二